

ქ. თბილისი

„25„ აგვისტო, 2017 წელი

ერთი მხრივ, სსიპ „იუსტიციის სახლი“ (შემდგომში „შემსყიდველი“) წარმოდგენილი აღმასრულებელი დირექტორის მოადგილის (ფინანსების დირექტორი) ავთანდილ კობერიძის სახით და მეორე მხრივ, შპს „LEDGE“ (შემდგომში „მიმწოდებელი“), წარმოდგენილი დირექტორის ალექსანდრე გოგიაშვილის სახით, „სახელმწიფო შესყიდვების შესახებ“ საქართველოს კანონის და შპს „LEDGE“ - ს სატენდერო წინადადების საფუძველზე, ელექტრონული ტენდერის (SPA170010124) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ასევე ყველა იმ დოკუმენტით, რომლებზედაც წინამდებარე ხელშეკრულებაში არის მინიშნება;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული;
- 1.4. „შემსყიდველი“ - ორგანიზაცია, რომელიც ახორციელებს შესყიდვას;
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

- 2.1. სსიპ „იუსტიციის სახლი“-ს მიერ, 2017 წლის საკუთარი შემოსავლების ფარგლებში, წრიული შუქდიოდური მონიტორის (CPV – 31711200 - ელექტრონული ტაბლოები) სახელმწიფო შესყიდვა თანმდევი მომსახურებით (მონტაჟი).
- 2.2. შესყიდვის ობიექტის დასახელება, აღწერილობა, რაოდენობა და მონიტორის განლაგების კონსტრუქციის სქემა განისაზღვრება დანართი №1 და დანართი №2-ის შესაბამისად, რომლებიც თან ერთვის წინამდებარე ხელშეკრულებას და წარმოადგენენ მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება დღგ-ს ჩათვლით შეადგენს 179 242 (ას სამოცდაცხრამეტი ათას ორას ორმოცდაორი) ლარს;
- 3.2. ხელშეკრულების ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს;
- 3.3. შესყიდვის ობიექტის ერთეულის და საერთო ფასი მოცემულია ხელშეკრულების დანართში №1-ში, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. ხელშეკრულების შესრულების კონტროლი

- 4.1. ხელშეკრულების შესრულების კონტროლს ახორციელებენ სსიპ „იუსტიციის სახლი“-ს მარკეტინგისა და მომსახურების განვითარების სამსახური და ინფრასტრუქტურის განვითარებისა და ლოჯისტიკის სამსახური.
- 4.2. შემსყიდველი ორგანიზაცია უფლებამოსილია აწარმოოს მოწოდებული შესყიდვის ობიექტის ხარისხის და რაოდენობის ინსპექტირება ხელშეკრულების მოქმედების ნებისმიერ ეტაპზე. შემსყიდველს უფლება აქვს ჩართოს ინსპექტირების პროცესში სხვა პირები, რომელთა ჩართვასაც ის ჩათვლის მიზანშეწონილად.

5. შესყიდვის ობიექტის მიღება ჩაბარების წესი:

- 5.1. შესყიდვის ობიექტის მიღება-ჩაბარება ფორმდება მიღება-ჩაბარების აქტით.
- 5.2. მიღება-ჩაბარების აქტი მხარეთა შორის ფორმდება შესყიდვის ობიექტის მიწოდების შემდეგ, მიმწოდებლის მიერ წარმოდგენილი სსიპ „ლევან სამხარაულის სახელობის სასამართლო ექსპერტიზის ეროვნული ბიუროდან“ ან შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ გაცემული დასკვნის (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი), შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირ(ებ)ის მიერ შედგენილი ინსპექტირების დასკვნის და მიმწოდებლის მიერ წარმოდგენილი სასაქონლო ზედნადების საფუძველზე;

6. ანგარიშსწორების ფორმა, ვადები და პირობები

- 6.1. ანგარიშსწორება განხორციელდება უნაღდო ანგარიშსწორებით, ეროვნულ ვალუტაში - ლარში, მხარეთა შორის გაფორმებული მიღება-ჩაბარების აქტის, მიმწოდებლის მიერ წარმოდგენილი სასაქონლო ზედნადებისა და ანგარიშ-ფაქტურის საფუძველზე, დოკუმენტების სრულყოფილად გაფორმებიდან არაუგვიანეს 10 (ათი) სამუშაო დღის განმავლობაში;
- 6.2. დასაშვებია ასევე, წინასწარი ანგარიშსწორება ხელშეკრულების ღირებულების 50%-ის ოდენობით. საავანსო ანგარიშსწორების გამოყენების შემთხვევაში, მიმწოდებელი ვალდებულია წარუდგინოს შემსყიდველს წინასწარ გადასახდელი თანხის იდენტური ოდენობის, საბანკო დაწესებულების მიერ გაცემული საავანსო გარანტია, რომლის მოქმედების ვადა არანაკლებ 60 (სამოცი) კალენდარული დღით უნდა აღემატებოდეს ხელშეკრულების მოქმედების ვადას. თეთრ სიაში რეგისტრირებული პრეტენდენტისთვის საბანკო გარანტიის ოდენობა ნახევრდება. შემსყიდველი

- ვალდებულია უზრუნველყოს წინასწარი ანგარიშსწორება მიმწოდებლის მიერ საბანკო გარანტიის წარმოდგენის დღიდან არაუგვიანეს 10 (ათი) სამუშაო დღის ვადაში;
- 6.3. წინასწარ გადახდილი თანხის დაფარვა განხორციელდება მიმწოდებლის მიერ ფაქტურად მოწოდებული შესყიდვის ობიექტის ღირებულებიდან, მხარეთა შორის გაფორმებული მიღება-ჩაბარების აქტისა და ინსპექტირების დასკვნის შესაბამისად;
- 6.4. იმ შემთხვევაში, თუ მიმწოდებელი ვერ უზრუნველყოფს წინასწარ გადახდილი თანხის შესაბამისი ღირებულების შესყიდვის ობიექტის მოწოდებას, შემსყიდველი უფლებამოსილია მიმართოს გარანტიის გამცემ ორგანოს საავანსო საბანკო გარანტიით გათვალისწინებული შესაბამისი თანხის დაბრუნების მოთხოვნით.
- 6.5. დაფინანსების წყარო: სსიპ „იუსტიციის სახლი“-ს 2017 წლის საკუთარი შემოსავლები.
- 7. შესყიდვის ობიექტის მიწოდების ვადა და ადგილი**
- 7.1. შესყიდვის ობიექტის მოწოდება თანმდევი მომსახურებით (მონტაჟი) უნდა განხორციელდეს ხელშეკრულების გაფორმებიდან არაუგვიანეს 75 (სამოცდათხუთმეტი) კალენდარული დღის ვადაში. შესყიდვის ობიექტის მოწოდების ვადა უნდა მოიცავდეს როგორც საქონლის მოწოდების, ასევე, თანმდევი მომსახურების გაწევის და ტენდერით გათვალისწინებული ყველა სახის საექსპერტო დასკვნის წარმოდგენისთვის საჭირო ვადას.
- 7.2. შესყიდვის ობიექტის მიწოდება განხორციელდება შემდეგ მისამართზე: ქ.თბილისი, სანაპიროს ქ N2 (თბილისის იუსტიციის სახლი).
- 8. მხარეთა ვალდებულებები**
- 8.1 „მიმწოდებელი“ ვალდებულია:**
- 8.1.1. განახორციელოს მონიტორის და მისი მზიდი კონსტრუქციის მონტაჟი და გაშვება შემსყიდველის მიერ მიწოდებული კონფიგურაციისა და მზიდი კონსტრუქციის ნახაზის (დანართი N2) მიხედვით;
- 8.1.2. მონიტორის მზიდი კონსტრუქციის ნახაზი (დანართი N2) და მასში მითითებული მონაცემები, საჭიროებისამებრ, ხელშეკრულების დადების შემდეგ, მცირედით შეიძლება შეიცვალოს შემყიდველთან შეთანხმებით. ნახაზში ცვლილებების განხორციელების შემთხვევაში, დაცული უნდა იყოს შემდეგი პირობები:
- 8.1.2.1. თბილისის ფილიალში არსებული საკონსულტაციო სივრცის დიზაინი უნდა დარჩეს უცვლელი;
- 8.1.2.2. კონსტრუქციის რომელიმე ნაწილი არ უნდა იყოს შესაძენი ფილიალის სივრცეებიდან (0-სართულის დონიდან);
- 8.1.2.3. ამასთან ერთად, მიმწოდებელმა, სამონტაჟო სამუშაოების დაწყებამდე, მის მიერ შეცვლილი კონსტრუქციის მდგრადობის თაობაზე უნდა წარმოადგინოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან შესაბამის სფეროში, საქართველოს კანონმდებლობით განსაზღვრული აკრედიტაციის მქონე პირის მიერ გაცემული საექსპერტო დასკვნა (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი). საექსპერტო დასკვნის ხარჯების ანაზღაურებას განახორციელებს მიმწოდებელი.
- 8.1.3. მონიტორის მონტაჟი განახორციელოს საკონსულტაციო სივრცის თავზე, ისე, რომ მონიტორთან დაკავშირებული ყველა სახის კონსტრუქცია და დეტალი არ უნდა ეყრდნობოდეს ან სხვაგვარად ზემოქმედებდეს საკონსულტაციო სივრცის სახურავზე;
- 8.1.4. უზრუნველყოს მონიტორის კვებისთვის საჭირო სადენის (5X16-ზე სულ 160 მეტრი) მიყვანა შემსყიდველის მიერ განსაზღვრული ადგილიდან და შემსყიდველის მიერ განსაზღვრული გზით. სადენის და მისი გაყვანისთვის და დაერთებისთვის აუცილებელი ყველა მასალის მოწოდებას უზრუნველყოფს მიმწოდებელი;
- 8.1.5. უზრუნველყოს მონიტორისთვის სამართავი კომპიუტერის (მონიტორით) მოწოდება და მასზე შესაბამისი პროგრამული უზრუნველყოფის მიწოდება, გამართვა, ინსტალაცია და კონფიგურირება, რომლის მეშვეობითაც განხორციელდება შემსყიდველის მიერ განსაზღვრული გამოსახულების (სურათი, სპეციალური ნიშნები, ტექსტი, ვიდეორგოლი და ა.შ.) მონიტორზე გაშვება; სამართავი კომპიუტერით უნდა შეიძლებოდეს გამოსახულების გაშვება მონიტორის როგორც სრულ ზედაპირზე, ისე სხვადასხვა მონაკვეთების (სეგმენტების) მიხედვით, შემსყიდველის მიერ განსაზღვრული კონფიგურაციით; მოწოდებული კომპიუტერის და პროგრამული უზრუნველყოფის კონფიგურაცია და მონაცემები სრულ შესაბამისობაში უნდა იყოს ზემოაღნიშნული პირობების შესასრულებლად. ასევე, მიმწოდებელმა უნდა უზრუნველყოს ქსელის მიერთება აღნიშნული კომპიუტერის დისტანციური მართვისთვის;
- 8.1.6. მონიტორის კონსტრუქციის ქვედა ნაწილი არ დაამონტაჟოს 10 სანტიმეტრზე მაღლა საკონსულტაციო სივრცის სახურავის დონიდან. საკონსულტაციო სივრცის სახურავის ზედაპირის და მონიტორის კონსტრუქციის შორის დარჩენილი სივრცე შემსყიდველის მოთხოვნის შემთხვევაში მიმწოდებელმა საკუთარი ხარჯით უნდა შეფუთოს შემსყიდველთან შეთანხმებული დიზაინით თაბამირ მუყაოს მასალით;
- 8.1.7. საკუთარი ხარჯებით უზრუნველყოს მონიტორის მონტაჟთან დაკავშირებით, ასევე, მიმწოდებლის მიერ ჩასატარებელი სხვა სამუშაოების დროს, შემსყიდველისთვის და მესამე პირისთვის მიყენებული ზიანის ანაზღაურება;
- 8.1.8. მონიტორის მონტაჟის და მასთან დაკავშირებული ყველა სხვა მოქმედებები ჩაატაროს არასამუშაო საათებში, და ამასთანავე ისე, რომ ამ სამუშაოების შედეგად არ შეფერხდეს იუსტიციის სახლის სამუშაო პროცესი.
- 8.1.9. საკუთარი სახსრებით უზრუნველყოს მონიტორის მონტაჟისთვის აუცილებელი ყველა მასალის მოწოდება.
- 8.1.10. სამუშაოების დასრულების შემდეგ (მიღება-ჩაბარების აქტის გაფორმებამდე), უნდა წარმოადგინოს მონიტორის მზიდი კონსტრუქციის მდგრადობაზე სსიპ „ლევან სამხარაულის სახელობის სასამართლო ექსპერტიზის ეროვნული ბიუროდან“ ან შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ გაცემული საექსპერტო დასკვნა (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი).

8.1.11. გადასცეს შემსყიდველს ნივთობრივად და უფლებრივად უნაკლო შესყიდვის ობიექტი ხელშეკრულების პირობების შესაბამისად;

8.2. „შემსყიდველი“ ვალდებულია:

8.2.1. უზრუნველყოს მიმწოდებლის მიერ მოწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

8.3. „მიმწოდებელს“ უფლება აქვს:

8.3.1. მოითხოვოს მოწოდებული შესყიდვის ობიექტის ღირებულების დროული და სრული ანაზღაურება ხელშეკრულების პირობების მიხედვით.

8.4. „შემსყიდველს“ უფლება აქვს:

8.4.1. აწარმოოს მოწოდებული შესყიდვის ობიექტის ხარისხის და რაოდენობის კონტროლი.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეებს შესაძლოა დაეცისროთ პირგასამტეხლო, ყოველ გადაგადაცილებულ დღეზე შესასრულებელი ვალდებულების შესაბამისი ღირებულების 0.1%-ის ოდენობით;

9.2. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, შესაძლოა დაეცისროს პირგასამტეხლო, ყოველ ასეთ შემთხვევაზე შესასრულებელი ვალდებულების შესაბამისი ღირებულების 1%-ის ოდენობით;

9.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

9.4. იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.5. პირგასამტეხლოს გადახდა არ ათავისუფლებს მხარეს ხელშეკრულებით ნაკისრი ვალდებულებების შესრულებისაგან.

9.6. მხარეები უფლებამოსილნი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ცვლილება დაიშვება მხარეთა წერილობითი შეთანხმებით;

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით;

10.4. თუ მხარე ჯეროვანად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშუალოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით;

10.5. ხელშეკრულება შეიძლება შეწყდეს მხარეთა წერილობითი ურთიერთშეთანხმებით, წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში;

11. ხელშეკრულების შესრულების შეუძლებლობა

11.1. ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი);

11.2. ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა;

11.3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით;

11.4. მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

12. გარანტია

- 12.1. მიმწოდებლის მიერ მოწოდებულ შესყიდვის ობიექტზე უნდა ვრცელდებოდეს გარანტია შესაბამისი მიღება-ჩაბარების აქტის გაფორმების დღიდან არანაკლებ 3(სამი) წლის ვადით.
- 12.2. შემსყიდველის მხრიდან შესყიდვის ობიექტის ექსპლუატაციის ნორმების დაცვის შემთხვევაში, საგარანტიო ვადის განმავლობაში მიმწოდებელმა საკუთარი ხარჯებით უნდა აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი (ტრანსპორტირების ჩათვლით), საჭიროების შემთხვევაში უზრუნველყოს წუნდებული საქონლის შეცვლა ახლით, ასეთი ხარვეზი/წუნის გამოვლენიდან შემსყიდველთან შეთანხმებულ გონივრულ ვადაში, გარდა იმ შემთხვევისა, თუ ასეთი ხარვეზი გამოწვეულია მექანიკური დაზიანებით.
- 12.3. მიმწოდებლის მიერ სატენდერო დოკუმენტაციის 12.2. პუნქტში მითითებული ვალდებულების შეუსრულებლობის შემთხვევაში, შემსყიდველ ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების სრულად ანაზღაურება.

13. დავები და მათი გადაწყვეტის წესი

- 13.1. ხელშეკრულება დადებულია და განიმარტება საქართველოს კანონმდებლობის შესაბამისად;
- 13.2. ხელშეკრულების შესრულების პროცესში მხარეთა შორის წარმოშობილი დავა წყდება მორიგებით;
- 13.3. შეთანხმების მიუღწევლობის შემთხვევაში მხარეებს უფლება აქვთ მიმართონ თბილისის საქალაქო სასამართლოს.

14. ხელშეკრულების მოქმედების ვადა

- 14.1. წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს: საგარანტიო მომსახურების ნაწილში - ხელშეკრულების 12.1 ქვეპუნქტის შესაბამისად; ხელშეკრულების მე-9 მუხლი მოქმედებს ხელშეკრულების ფარგლებში მხარეთა მიერ ნაკისრი ვალდებულებების საბოლოო შესრულებამდე, ხოლო ყველა სხვა ნაწილში ხელშეკრულება მოქმედებს 2017 წლის 31 დეკემბრის ჩათვლით.

15. სხვა პირობები

- 15.1. ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, რომელთაგან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

16. მხარეთა რეკვიზიტები:

„შემსყიდველი“	„მიმწოდებელი“
სსიპ „იუსტიციის სახლი“ მის: ქ. თბილისი, სანაპიროს ქN2 საბანკო რეკვიზიტები: მიმღები ბანკი: სახელმწიფო ხაზინა მიმღების დასახელება: ხაზინის ერთიანი ანგარიში კოდი: TRESGE22 მიმღების ანგარიში/სახაზინო კოდი: 707467520 საიდენტიფიკაციო კოდი: 204580202 ავთანდილ კობრიძე აღმასრულებელი დირექტორის მოადგილე (ფინანსების დირექტორი)	შპს „LEDGE“ ს/კ: 404901665 მის: ქ. თბილისი, შარტავას ქ N16 ბანკი: სს „საქართველოს ბანკი“ ბანკის კოდი: BAGAGE22 ანგ.# GE07BG0000000344469800 ალექსანდრე გოგიაშვილი დირექტორი

ფასების ცხრილი

დანართი N1

#	შესყიდვის ობიექტის დასახელება	წარული შუქდიოდური მონიტორის ტექნიკური პარამეტრები	რაოდენობა	გაწმომიღების ერთეული	ერთეულის ფასი	საერთო ღირებულება	შემთავაზებულის წარმომადგენლის გრაფიკული კომპანია და მოცულობა
1	წარული შუქდიოდური მონიტორი (თანმდგომი მონტაჟებით, მონტაჟით)	პიქსელის ზომა 488; პიქსელის კონფიგურაცია SMD2020; მოდულის ზომა 25688 X 12888; მოდულის რეზოლუცია 64 წერტილი X 32 წერტილი; მმარითვი მიგრისებზე MBI5124; სამუშაო რეჟიმი 1/16; პიქსელის რაოდენობა 62500dots/sqm; კონტრასტი 4000:1; იმპულსური ხედვის მანძილი 3,7-30m; კვების ძაბვა AC220V/50Hz; მაქსიმალური ენერგიომომხარება 600w/sqm; საშუალო ენერგიომომხარება 200w/sqm; ხედვის კუთხე Horizontal 140° Vertical 140°; სიკაშკაშე (კდ/მ²) 1200; განახლების სიხშირე 960-2560Hz; დაღვსის კლასი (წინიდან) IP43 front; დეფექტების შეფასება ≤0.00001; კადრების სიხშირე 50-60Hz; ფერის ტემპერატურა 3500K-8500K (adjustable); სიკაშკაშის რეგულირება Red:green, Blue 256 Grade/Each; ნაგრისფერის გრადიენტი 16bit; სამუშაო ტემპერატურა 30°C - +50°C; სამუშაო ტენიანობა 10% - 90%; მუშაობის დროის რესურსი 100 000სთ; შემავალი სიგნალები YPbPr, s-Video, DVI/VGA, HDMI, SDI; მმარითვი სისტემა boVA; PC ოპერატორული სისტემა ფანჯრები 2000/XP/WIN7/WIN8; MTBF (საათი) > 10000; ეკრანის ზომა 27.136*1.536მ=41.3 მ²; ეკრანის ფართობი 41,6809მ²; ეკრანის წონა 850 კგ; ეკრანის რეზოლუცია 6.784(სიგ.)*384(სიგ.)=2,605.056 პიქსელი	1	ცალი	179242	179242	შემთავაზებულის კომპანია: Mdivisual Technology Co., Ltd. მოდელი: P4 Indoor Flexible LED Modules, Round shape/Model No: MS-7-P4 (P4 Bgga ფრეკვილი LED მოდულები, მრგვალი ფორმა/მოდელი ნომერი: MS-7-P4)
				საერთო ღირებულება დღ-ს ჩათვლით:	179242 ლარი		

შემსყიდველი:
სსიპ "ოქსიკიის სახლი"

მომწოდებელი:
შპს "LEDGE"

ალექსანდრე გოგიაშვილი
დირექტორი




ქ.თბილისი იუსტიციის სახლში ლითონის კონსტრუქციის შუქმნა
მონიტორინგის მოსაწყობად.


დანართი N2

პროექტის ავტორი: ლ.ჩაბანავა

თბილისი 2016

[illegible]

კონსტრუქციების განლაგების სქემა კოსმოდრომაზე.



ხ ე ლ წ ე რ ი ლ ი

ინტერესთა კონფლიქტის შესახებ

ქ. თბილისი

25 აგვისტო 2017 წელი

ქვემოთ ხელისმოწერით ვადასტურებ, რომ შპს „LEDGE“-ს მიმართ სრულად ვაკმაყოფილებ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

სსიპ „იუსტიციის სახლი“-ს

ადმინისტრაციისა და სამართლებრივი

უზრუნველყოფის სამსახურის სპეციალისტი

თეა გიუნაშვილი

